

玉函山房輯佚書

春秋左氏傳解詁卷四

昭公左氏傳解詁

元年

告於莊共之廟而來

莊謂楚莊王圍之祖共王圍之父

能禮聘
禮政

設服離衛

二人執戈在前在國居君離宮陳衛在門

正義

蒲宮有前不亦可乎

蒲宮楚君離宮言令尹在國已居君之宮出有前

春秋左氏傳解詁卷四

一 鄭經館補校

戈不亦可乎

吾代二子戀矣

戀憂也代伯州犁憂公子圍代子羽憂子皙
吾與子弁冕端委以治民臨諸侯

禮衣端正無殺故曰端文德之衣尚褻長故曰委
十里舍車自雍及絳歸取酬幣終事入反

每于十里置幣車一乘千里百乘以次相授車率
日行一百六十里謂從絳向雍而復還一享之間
八度至也

爾於前伍於後專爲右角參爲左角

司馬法云五十乘爲兩百一十乘爲伍八十一乘
爲專二十九乘爲參二十五乘爲備彼皆準車數
多少以爲別名此傳去車用卒而有此名則此名
不以車數爲別也

並同上

遷闕伯于商丘主辰

辰大火主祀也

史記漢世
家集解

商人是因

商人契之先殷之世祖相土封闕伯之故地因其

故國而代之

遷寶沈子大夏主參

大夏在汾澮之間主祀參星

並同上

唐人是因

唐人卽是劉累

正義

其季世曰唐叔虞

唐叔虞卽下句邑姜所生者也

夢帝謂己

己武王也

昔金天氏有裔子曰昧爲玄冥師

金天少師也玄冥水官也師長也昧爲水官之長

史記鄭世家集解

生允格胎臺

允格臺胎兄弟也

臺胎能業其官

脩昧之職

宣汾洙障大澤

破障其水也

以處大原

大原汾水名

帝用嘉之

帝顓頊也

山川之神則水旱癘疫之災於是乎禋之

禋爲營擯用幣也若有水旱則禋祭山川之神以

祈福也

並同上

勿使有所壅閉湫底

湫著也底止也

正義

湫在九切

集韻上聲四十四有湫字注引左傳

引瑟

度讀

於是乎有煩手淫聲

鄭重其手而首淫過

公羊傳莊十七年疏引何氏與服君同

六氣曰陰陽風雨晦明也

風東方雨西方陰中央晦北方明南方唯天陽不

變唯晦明所屬

詩小雅漸漸之石正義

伍舉問應爲後之辭焉

問來赴者

史記楚世家集解

將曾孟子餘

孟爲趙盾子餘爲趙衰

正義

甲辰朔烝于溫

甲辰朔夏十一月朔也

正義

祭人君用孟月人臣用

仲月

禮記王制正義

二年

宜子舉之

舉游也宜子游其樹下夏諺曰一游一舉爲諸侯

度

正義

少姜有寵於晉侯晉侯謂之少齊

所以寵異不與衆女字等言齊國如此好女甚少

同上

晉侯使郊勞

近郊三十里

詩魯頌
駉正義

三年

火中寒暑乃退

火大火心也季冬十二月平旦正中在南方大寒
一退季夏六月黃昏火星中大暑退是火爲寒暑之

候事也

詩幽風七
月正義

春秋左氏傳解詁卷四

五 婦嬖館補校

三二五

以備內官焜燿寡人之望

焜明也燿照也言得備妃嬪之列照明亡之意望

也

正義釋文
引上二句

而三老凍餒

三老者工老商老農老

正義

而或煨燂之

煨燂痛其痛而念之若今時小兒痛父母以口就

之曰煨燂代其痛也

其相胡公大姬已在齊矣

相隨也

讒鼎之銘

讒鼎疾讒之鼎明堂位所云崇鼎是也又云讒地名禹鑄九鼎於甘讒之地故曰讒鼎

子豐有勞於晉國

鄭僖公之爲太子豐與之俱適晉

並同上

四年

四嶽三塗

三塗大行輶輳嶠澠謂三塗爲三處道也

正義非南

望也

鄒道元水經注卷八引三望大行轅轅嶠灑接下句

古者日在北陸而藏冰西陸朝覲而出之

陸道也北陸言在謂十二月日在危一度西陸不

言在則不在昴謂二月在婁四度謂春分時奎婁

展見東方而出冰是公始用之

周禮天官凌人疏

春分之

中奎始展

正義作朝

見東方蟄蟲出矣故

正義無此五字

以是

時出冰給賓客喪祭之用月令仲春天子乃獻羔

啓冰是也

正義詩國風七月正義引並有二月日在婁四度句已見上詩正義引有蟄蟲

出矣及故字又有給賓客句無月令已下

此言出之卽是仲春啓冰正義

其山之也朝之燕位實食饗祭於是乎用之

燕位謂大夫以上賓客食享饗浴祭祀是其常用

之事也

詩出風七月正義

以享司寒

司寒司陰之神立冥也將藏冰致寒氣故祀其神

同上

桃弧棘矢以除其災

桃所以逃凶也棘矢者棘亦有箴取其名蓋出冰之時置此弓矢於凌室之戶所以禳除凶邪將御

至尊故慎其事爲此禮也

正義

火出而畢賦

於夏爲三月於商爲四月於周爲五月

周禮天官
正賦

秋無苦雨

害物之雨民所苦

詩小雅甫
田正義

康有鄧宮之朝

鄧宮成王廟所在也

史記楚世
家集解

吾用齊桓

名陵之役齊桓遷吾以禮楚靈王今感其意是以

用之正義

寡人將墮幣焉

墮輸也言將輸受宋之幣於宗廟

正義 釋文詩小雅正月正義

魁引首句

商紂爲黎之蒐東夷叛之

黎東夷國名子姓

史記楚世家集解

鄭子產作丘賦國人謗之

子產作丘賦者賦此一丘之田使之出一馬三牛

復古法耳丘賦之法不行久矣今子產復脩古法

民以爲貪故謗之

正義

饗大夫以落之

饗以豕豚爲落

詩小雅斯于正義

五年

卿喪自朝魯禮也

言卿葬三辭於朝從朝出正門卿佐國之楨幹君

之股肱必過於朝重之也

正義

使亂大從

使亂大和順之道也

正義文有也

明而未融

融高也

詩齊風東方之日正義

孝類有璋

享獻

釋文鄭服皆以享爲獻耳

殽有陪鼎

陪牛羊豕鼎故云陪鼎

正義

羊舌四族

伯華叔向叔魚季夙

何不可之有

何不可之有如是大不識文勢

並同上

蓬啓疆待命于雲楚

雲楚之東邑

史記吳世家集解案史記雲作宇

六年

三辟之與皆叔世也

政衰爲叔世叔世踰於季世季世不能作辟也

正義

詩曰儀式刑文王之德曰靖四方

儀善式用刑法靖謀也言善用法文王之德日日

謀安四方

又曰儀刑文王萬邦作孚

儀善也刑法也善用法者文王也言文王善用其
法故能爲萬國所信也

火未出而作火以鑄刑器藏爭辟焉火如象之
不火何爲

鑄鼎藏爭辟故今出火與五行之火爭閉故爲災
在器故稱藏也

不抽屋不強句

抽裂也言不毀裂所舍之屋也句乞也不就人強

乞也

逆同上

七年

暨齊平

賈逵何休以爲魯與齊平許惠卿以爲魯與齊平

二句據正義補襄公二十四年仲孫羯侵齊二十五年崔

棼伐我自爾以來齊魯不相侵伐且齊是大國無

爲求與魯平此六年冬齊侯伐北燕將納簡公齊

侯貪賄而與之平故傳言齊求之也齊次于號燕

人行成其文相比許君近之

証

士臣卑卑臣與與臣隸隸臣僚僚臣僕僕臣臺

卑造也造成事也與與也佐卑舉衆事也隸隸屬於吏也僚勞也共勞事僕僕豎主藏者也臺給臺下微名也

作僕區之法

僕隱也區匿也爲隱亡人之法也

並同上

好以大屈

大屈賣金可以爲劍一曰大屈弓名魯連書曰楚子享魯侯于章華之臺與之大曲之弓旣而悔之

造啓疆見魯侯魯侯歸之大屈殆所謂大曲之弓

史記魯世家集解無造啓疆二句正義引一曰以下有此二句末句作大屈即大曲也釋文云大屈

弓名服同又云大曲也

賜子產莒之二方鼎

鼎三足則闢四足則方正義

聖人之後也而滅于宋

聖人謂商湯也孔子六代祖孔父嘉爲宋華督所

殺其子奔魯也後漢書孔融傳注史記孔子世家集解引上句

其祖弗父何以有宋而受厲公

弗父何宋潛公世子厲公兄以有宋言潛公之適

嗣當有宋國而讓與弟厲公也

詩商頌
那正義

及正考父

正考父弗父何之曾孫

史記孔子
世家集解

一命而僂再命而僂三命而俯

僂僂俯皆恭敬之貌也

歲時日月星辰是謂也

歲星之神也左行于地十二歲而一周時四時日

十日也月十二月也星二十八宿也辰十二辰也

是謂六物也

詩小雅小弁正義

八年

葬陳哀公

葬哀公之文在殺孔奭之下以爲楚葬哀公

正義引賈

石言于晉魏榆

魏邑也榆州里名

正義水經注卷六引云魏晉邑下句有也守

甚哉其相蒙也

蒙欺也

史記晉世家集解

將往又數人告

將往者欲往到陳氏問助子良攻我意

正義

殺馬毀玉以葬

一日馬陳侯所乘馬玉陳侯所佩玉故殺馬毀玉
不欲使楚得之

陳顓頊之族

陳祖虞舜舜出顓頊故爲顓頊之族

史記陳世家集解

九年

夏四月陳災

愆陳不與楚故存陳而書之言陳尙爲國也

正義引

服

叔弓宋華亥鄭游吉衛趙釐會楚子于陳

此會宋鄭衛之大夫不韋叔弓後也

正義

蒲姑商奄吾東土也

蒲姑商奄濱東海者也蒲姑齊也商奄魯也二十

年傳曰蒲姑因之定四年傳曰囚商奄之民命以

伯禽

王有姻喪使趙成如周弔

婦之父曰姻王之后喪父於王亦有服義故往弔
火水妃也

火離也水坎也易卦離爲中女坎爲中男故火爲
水妃

歲五及鶉火而後陳卒亡楚克有之天之道也故曰
五十二年

有事于武宮之歲龍度天門謂十五年歲星從中
越未而至午歷家以周天十二次次別爲百四十
四分歲星每年行一百四十五分是歲星行一次

外剽行一分積一百四十四年乃剽行一次故十

五年得超一辰

並同上

孟僖子如齊廢聘

殷中也自襄二十年叔老聘于齊至今積二十一

年聘齊故中復盛聘

周禮秋官大行人疏禮記聘義正義引自襄以下未句

作故脩盛

聘之禮

十年

十有二月

無冬刺不登臺視氣

公羊傳賈服

應民不佻

示民不偷薄

詩小雅鹿鳴正義

十有二年

晉伐鮮虞

穀梁傳曰其曰晉狄之也不正其與夷狄交伐中

國故狄稱之也

正義引云賈服取以爲說

已乎已乎

已乎決絕之辭

正義

求鼎以爲分

有功德受分器

史記楚世家集解

簞露藍縷

今注疏本作股路史記作露縷解引簞注同

也 簞露柴車素木輅也藍縷言衣破壞其縷藍藍然也

跋涉山林

草行曰跋水行曰涉

唯是桃弧棘矢以其禦王事

桃弧棘矢所以禦其災言楚地山林無所出也

齊王舅也

齊景公成王之舅

昔我皇祖伯父昆吾舊許是宅

陸終氏六子長曰昆吾少曰季連季連楚之祖故

謂昆吾爲伯父也昆吾曾居許地故曰舊許是宅

並同上

十有三年

以聽國人

聽國人欲爲誰

史記楚世家集解

王訟夏將欲入郢

春秋左氏傳解詁卷四

去姬嬖館補校

郢別都也

吾父再奸王命

奸史記
作犯

斷王旌執人於章華之宮

獲其五帥

五帥蕩佚滯子司馬督鄒尹午陵尹喜

康王跨之

兩足各跨壁一邊

同惡相求如市賈馮

謂國人共惡靈王者如市賈之人求利也

無與同好誰與同惡

言無黨於內當與誰共同好惡

無學而動可謂無謀

言學王尚在而妄動取國故謂無謀

私欲不違

不以私欲違民心

齊桓晉文不亦是乎

皆庶子而出奔

有高國以爲內主

春秋左氏傳解詁卷四

國子高子皆齊之正卿

從善如流

言其疾

有先大夫子餘子犯

子餘趙衰

惠懷無親

皆棄民不恤

並同上

間朝以講禮

朝天子之法

禮記王制正義引賈服

鄭伯男也

鄭伯爵在男服也

正義引鄭衆服虔

貢之無藝

藝極也一日常也

正義

十有四年

盟費人司徒老邾慮癸僞廢疾

司徒姓也老邾字也慮癸亦姓字也二子季氏家

臣也

正義

宥孤寡

春秋左氏傳解詁

卷四

如姬館補校

三十四卷三十一

宥謂寬赦其罪

同上

及施邢侯

施罪於邢侯施猶劾也邢侯亡故劾之

正義釋文引上句

侯下有也字

三數叔魚之惡不爲未滅曰義也夫

讀滅爲成下屬爲句不爲末者不爲末槩隱蔽之

也成曰義也言人皆曰叔向是義

正義

十有五年

吾見赤黑之祲

水黑火赤水火相遇云云

正義

辱必求之吾助子請

辱從下讀訓之爲欲欲必求之吾助子請

禮王之大經也

經常也常所當行也

並同上

十有六年

幾爲之笑

幾近也孔張失位近爲所笑

正義

刑之類類

讀類爲類頗偏也類不平也

立於朝而祀於家

祀其所自出之君於家以爲大祖

其祭在廟

謂孔張先祖配廟食

非不能事大字小之難

斷字小之難以下爲義字養也言事大因易養小

國難

並同上

不亦宜乎

鏡折也

王應麟古文春秋左傳卷十引服虔云正義云同前今本正義無之案正義云鏡是許世不得爲折是駁服虔當是宋本舊有今脫爾

十有七年

昔者黃帝以雲紀官故爲雲師而雲名

黃帝受命得景雲之瑞故以雲紀事

正義

黃帝以雲

名官蓋春官爲青雲氏夏官爲緝雲氏秋官爲白

雲氏冬官爲黑雲氏中官爲黃雲氏

同上

炎帝氏以火紀故爲火師而火名

炎帝以火名官春官爲大火夏官爲鶉火秋官爲

西火冬官爲北火中官爲中火

共工氏以水紀故爲水師而水名

共工以水名官春官爲東水夏官爲南水秋官爲西水冬官爲北水中官爲中水

大皞氏以龍紀故爲龍師而龍名

大皞以龍名官春官爲青龍氏夏官爲赤龍氏秋官爲白龍氏冬官爲黑龍氏中官爲黃龍氏

五雉爲五工正利器用正度量夷民者也

雉者夷也夷平也使度量器用平也

並同上

九扈爲九農正

鶉鷄亦聲音爲名也

正義引賈逵

自顓頊以來不能紀遠乃紀於近爲民師而命以民事

自少皞以上天子之號以其德百官之號以其徵

自顓頊以來天下之號以其地百官之號以其事

禮記月令正義春官爲木正夏官爲火正秋官曰金正冬

官爲水正中官爲工正高辛氏因之故傳曰遂濟

窮桑窮桑顓頊所居

賈公彥周禮序疏

羅

春秋左氏傳解詁

卷四

注如景管備校

二十四卷六十一頁

涉自棘津

棘津猶孟津也

水經注卷五

今茲火出而章必火火入而伏

正義云賈氏舊文無重火字服虔本火出

而章必火火入而伏重火別句

十有八年

宋衛陳鄭皆火梓慎登大廷氏之庫以望之

大廷氏亡國之君在黃帝前其處高顯

周禮地官土訓疏

正義引在黃帝前一句 四國次有火氣也梓慎不言夜望安

知整次陳獨無次何所望哉

正義

弗良及也

弗良及者弗能及也良能也

正義

邠人藉稻

藉耕種於藉田也

今執事惘然授兵登陣

惘然猛貌也

並同上

十有九年

費無極

史記作無忌

楚大夫

史記楚世家集解

夏許悼公瘞

許悼公靈公之子許男買瘞寒疾也

太平御覽卷一百四十七

五月戊辰飲太子止之藥卒

經夏五月戊辰許世子止弒其君買止悼公子襄

太子也公疾不瘞止獨進藥雖嘗而不由醫

太子奔晉書曰弒其君

禮醫不三世不服其藥君有疾飲藥臣先嘗之親

有疾飲藥子先嘗之公疾未瘞而進藥雖嘗而不

由醫而卒故國罪之書殺告於諸侯

君子曰盡心力以事君舍藥物可也

原止之無惡由藥物不由醫無以知壽命有終故
曰舍藥物可也一日罪止非也刺無良史物讀爲
勿止實孝能盡心事君舍藥物以罪之上並同

若大城城父

城父楚北境邑

史記楚世家集解

懼隊宗主

祁主藏於宗廟故曰宗主

正義

寡君與其二三老

春秋左氏傳解詁卷四

重如媒館補校

一三者駟偃家臣

同上

二十年

春王二月己丑日南至梓愼望氛

梓愼知失閏二月冬至故獨以二月望氛

正義

奮揚使城父人執己以至

城父人城父大夫也

相從爲愈

相從愈於共死

並同上

彼將有他志

徵取國

史記吳世家集解

寶將報

胡行夜

周禮夏官掌同聽引賈服

琴張聞宗魯死

賈逵鄭衆皆以爲子張卽顯孫師

此句據正義補

案七十

子傳云子張少孔子四十餘歲孔子是時四十知

未有子張鄭賈之說不知所出

正義

君蓋誅於祝回史闒以辭資

祝回齊大祝史闒大史也謂祝史之因陋闒罔不

能盡禮薦美至於鬼神怒也

上下無怨

上下謂人神無怨

並同上

一氣

歌氣也

正義釋文

六律七音

七律爲七器音黃鍾爲宮林鍾爲徵太簇爲商南呂爲羽姑洗爲角應鍾爲變宮蕤賓爲變徵外傳曰武王克商歲在鶉火月在天駟日在析木之津

辰在斗柄星在天龜鶉火及天駟七列也南北之
揆七月也鬼氏爲鍾以律計此一歲之間數自倍
半一縣十九鍾鍾七律十二縣二百二十八鐘爲
八十四律周禮春官小胥疏後魏書樂志引云
接一懸十九鐘黃鍾之均黃鍾爲宮至蕤賓爲變徵下
至八十四律

二十有一年

巫言之

巫疾也疾言之欲使信正義

而不能送亡君

君上屬

曰不狎鄙

狎更也子城謂華豹曰不更射爲鄙一曰城言我

不狎習故鄙

並同上

二十有二年

竇孟適郊見雄雞自斷其尾問之侍者曰自憚其犧也遽歸告王且曰雞其憚爲人用乎人異於是犧者實用人人犧寶難已犧何害王弗應

賈逵以爲大子壽卒景王不立適子鄭衆以爲壽

卒王命猛代之後欲廢猛立朝耳賈爲然正義
濟師取前城

前讀爲泉周地也

水經注卷十五

二十有三年

戊辰吳敗頓胡沈蔡陳許之師于雞父

不書楚楚讎敗不告

正義

使各居一館

賈逵云使邾魯大夫各居一館鄭衆云使叔孫子
服回各居一館賈氏近之

南宮極震

南宮極王子朝之卿士也

太平御覽卷八百八十

莫弘謂劉文公曰君其勉之先君之力可濟也

先君謂劉螽之父獻公也獻公亦欲立子猛不欲
令子朝得國今南宮極震死爲天所弃先君之功
事可成也

周之亡也其三川震今西王之大臣亦震天弃之矣

御覽引傳
棄作弃

西王謂子朝也子朝居王城故謂之西王也

東王必大克

東王敬王居狄泉狄泉在王城之東故曰東王也

並同上 按太平御覽引傳文並注不言服虔蓋承前所引服注省文也王應麟題服虔今從之

乃綰於蓬澁

或謂之邑又謂之地

水經注卷四十一

明其五候

正義云賈服王董皆作五候杜作伍候

二十有四年

及鍾離而還

鍾離州來西邑也

史記吳世家集解

二十有五年

爲六畜五牲三犧以奉五味

牲麀鹿熊狼豕三犧鴈鶩雉也

正義

季氏芥其雞

史記作芥注同

擣芥子播其雞羽可以盆

史記魯世家集解

郈氏爲之金距

金距以金錯距

同上儀禮少半積食禮疏

平子怒益宮於郈氏

怒其不下己也侵郈氏之宮地以自益

史記魯世家集解

拘滅氏老

老滅氏家之大臣

請囚於費弗許

費季氏邑

請以五乘亡弗許

言五乘自省約以出

並同上

執冰而踞

冰櫝九蓋

詩鄭風大叔于田正義

二十有六年

齊侯取郕

往年齊侯取郕實圍郕耳經於圍書取傳實其事

故於是言取

正義正

然據有異焉

異猶怪也

史記魯世家集解

七月己巳劉子以王出

出成周也

正義正

使女寬守闕塞

闕塞南山伊闕是也

太平御覽卷四十二又卷一百五十八○太平廣記卷

二幸齒盼大元一統

志卷三百八十三

令尹子常欲立子西

子西平王之長庶子宜申也

太平御覽卷一百四十七

曰太子任弱其母非嫡

御覽引傳及注並作任

太子任卽昭王也其年幼弱母秦嬴

太子建實聘之子西長而好善立長則願建善則治

王順國治可不務乎子西怒曰是亂國而惡君王也

謂夫人言太子建聘之廢而不立是謂亂國而迫

惡君王也

春秋左氏傳解詁

卷四

元德堂館刊

三十一

國有外援不可黷也

外援謂太子任秦外孫駘易也秦爲任外援不可

易

並同上

昔文武克殷

文王受命武王伐紂故云文武克殷

正義引服虔王肅並注云

云以爲諸本悉作武王克殷誤也

諸侯釋位以間王政

諸侯釋其私政而佐王政

魏志武帝紀裴松之注文選潘元茂冊魏公

九錫文李善注

卷之九

玩求無度

正義曰玩俗本作規

玩貪也

王孫皆注

美哉室其誰有此乎

景公自恐德薄不能久享齊國故曰誰有此也

史記

齊世家

集解

三十有七年

使延州來季子聘于上國

上國中國也蓋以吳辟在東南地勢卑下中國在

其上流故謂中國爲上國也

正義

不索何獲

三十四卷七十三

以觀諸侯

察疆弱

史記吳世家集解

楚蔣尹然王尹麋帥師救潛

王尹主宮內之政

正義

公子光曰此時也弗可失也

時言可殺王時也

史記吳世家集解

告鱗設諸曰上國有言曰

上國謂上古之時賢士之言也

正義

不索何獲

不索當何時得也

史記吳世家集解

王闞也吾欲求之

夷味生光而廢之僚者夷味之庶兒夷味卒僚代

立故光曰我王闞也

正義

樽設諸曰王可弒也母老子弱

母老子弱專諸託其母子於光也

史記吳世家集解

是無若我何

猶言我無若是何

史記吳世家司馬貞索隱

光曰我爾身也

言我身猶爾身

史記吳世家集解

鮪設諸真劍於魚中以進

全魚炙也

以待天命

待其天命之終也

復命哭墓

復命於僚哭其墓也

復位而待

復本位待光命

禮同上

取五甲五兵

兵戟也

正義

國人投之遂弗燕也令尹炮之

民弗肯燕也郟將帥稱令尹使女燔炮之

同上

使宰獻而請安

主人請安謂主人使司正請安于賓

正義引劉炫云服皮亦然

二十有八年

昔有仍氏生女鬢髮而甚美光可以鑑名曰玄妻

正義

義釋文引服注並作鬢

春秋左氏傳解詁

卷四

三 婦嬖補校

三四卷七十五

髮美爲鬢詩云鬢髮如雲其言美長而黑以髮美

故名立妻

詩騷風君子偕老正義毛詩釋文

忿類無期

釋文類又作類力對反服作類

忿怒其類以饜其私無期度也

正義

心能制義曰度

心能制事使得其宜言善揆度事也

詩大雅皇矣正義

德正應和曰莫

在己爲德施行爲音發號施令天下皆應和之言

皆莫然無譴諱也

照臨四方曰明

豫見安危也

教誨不倦曰長

教誨人以善不懈倦言善長以道德也

慈和徧服曰順

上愛下曰慈和中和也爲上而愛下行之以中和
天下徧服從而順之

擇善而從曰比

比方損益古今之宜而從之

經緯天地曰文

德能經緯順從天地之道故曰文

並同上

梗陽人有獄魏戊不能斷以獄上具大宗賂以女樂

訟者之大宗也

太平御覽卷四百五十一引傳注王應麟題服皮

魏子將受之魏戊謂閻沒女寬

二子晉大夫之屬

饋入召之

召二大夫食

並同上 按此注均不著姓名王應麟於上注既題服皮於此二注又題

賈逵或見別本故依入賈注

更欲今御覽本並入服注

靡或賜二小人食不夕食

靡飲酒醉故不夕食

願以小人腹爲君子之心屬厭而已獻子辭梗陽人

屬足二子自謂小人腹飢則恐食之不足厭飽則恐君亡君子居尊官食重祿而知不足故願以其腹爲君子之心

並同上

二十有九年

春公至自乾侯處于鄆齊侯使高張來唁公稱主君

大夫稱主比公於大夫故稱主君

史記魯世家
家父解

古者畜龍故國有豢龍氏御龍氏

豢養也穀食曰豢御亦養也養馬曰圉禮養犬豕

曰豢知其以穀養豢龍亦食穀也御與圉同言養

龍猶養馬故稱御

正義 史記夏本紀
集解引御亦養句

帝賜之乘龍河漢各二

河漢各二乘

釋文

四頭爲乘四乘十六頭也

正義

其後有劉累

后劉累之爲諸侯者夏后賜之姓

史記夏本紀
集解

宿其業

宿思也今日當預思明日之事如家人宿火矣王
其同人曰見龍在田

天在上火炎上同于天天不可同故曰同人上

遂濟窮桑

窮桑顛頊所居路史後紀卷八羅萃注

遂賦晉國一鼓鐵以鑄刑書

鼓量名曲禮曰獻米者操量鼓取晉國一鼓鐵以

鑄之正義

春秋左氏傳解詁

卷四

孟姬嬖補按

三十四卷七十八

三十年

公在乾侯不先書鄆與乾侯非公且微過也

非公且微過昭公無道久在外季氏非公不肯釋言公在某地春秋之義亦以不書微季氏之過此年書者公不得入晉外內有困辱季氏閔而書之所謂專君如在國按明年傳云言不能外內又不能屈其人皆是傳說經意非責昭公不是季氏非

公也

正義

三十有一年

世世與楚怨楚走去其國故曰吳其入郢吳屬水
水數六十月水位故曰六年及此月也有適而食

故知吳終亦不克

明禮春官
占夢疏

入郢必以庚辰日月在辰尾

後六年定四年十一月閏餘十七閏在四月後其
十一月晦晦庚辰吳入郢在立冬後復此月也十
二月辛亥日會月於龍尾而食庚午日初有適故
曰庚辰一曰日月在辰尾尾爲亡臣是歲吳始用
子胥之謀以伐楚故天垂象

庚午之日日始有謫火勝金故弗克

午火庚金火當勝金而反有遁故爲不克晉諸侯之霸與楚同盟趙簡子爲執政之卿遠夷將伐同

盟日應之食故夢發簡子

並同上

三十有二年

夏吳伐越始用師於越也史墨曰不及四十年越其有吳乎越得歲而吳伐之必受其凶

歲星在星紀吳越之分野蔡復之歲歲在大梁距此十九年昭十五年有事於武宮之歲龍度天門

龍歲星也天門在戌是歲過故使今年越得歲龍
東方宿天德之貴神其所在之國兵必昌向之以
兵則凶吳越同次吳先舉兵故凶也或歲星在越
分中故云得歲史墨知不及四十年越有吳者以
其歲星十二年一周天存亡之數不過三紀三者
天地人之數故歲星三周星紀至立楊哀二十二
年越滅吳至此三十八年

周禮春官
保章氏疏

魯文公薨而東門遂殺適立庶

東門遂襄仲也居東門故稱東門遂

史記魯世家
襄仲解經

先公左氏傳解詁

元年

晉魏舒合諸侯之大夫于狄泉

翟泉在洛陽東北周之墓地

水經注卷十六引班固服虔皇甫謐

四年

君行師從卿行旅從

謂會同

詩小雅黍苗正義

將長蔡於衛

載書使蔡在衛上

史記管蔡世家集解

備物典策

備物國之職物備也當謂國君威儀之物若今繳

扇之屬備賜魯也

正義

楚子取其妹季芊畀我以出

畀我季芊之字

釋文

季芊許嫁而字畀我季芊弟也

禮婦人許嫁笄而稱字季芊稱字是許嫁也蓋遭

亂夫死而改適鍾建耳

同上

王奔鄖

鄖楚縣

史記吳世家集解

平王殺吾父

父蔓成然

史記楚世家集解

以王奔隨

隨楚與國也

史記吳世家集解

初伍員與申包胥友

楚大夫王孫包胥

史記楚世家集解

六年

於是乎遷郢於鄒

鄒楚邑

史記吳世家集解

七年

齊人歸郕陽關

陽關魯邑

史記魯世家集解

八年

從祀先公

自躋僖公以來昭穆皆逆

禮記禮器正義

吾志其日也

志中其日是非其誠詐以自矜

儀禮大射義疏

九年

有績而衣狸製

狸製狸裘也

詩豳風七月正義

齊侯謂夷儀人曰得做無存者以五家兔

是時齊克夷儀而有之既爲齊有故齊得優免其

爲役也

正義今注疏本脫兔字據王應麟所引補

十年

夏公會齊侯于祝其實夾谷

東海福其縣

史記齊世家集解

地二名

水經注卷三十

且饗象不出門嘉樂不野合

犧象饗禮犧尊象尊也嘉樂鍾鼓之樂也詩小雅鼓鐘正

齊人來歸鄆讎陰之田

三田汶陽田也龜山名陰之田得其田不得其山

也史記孔子世家集解

十有二年

仲由爲季氏宰

仲由子路史記魯世家集解

將墮三郟

三都三家之邑也

史記孔子世家集解

公與三子入于季氏之宮

三子孟孫叔孫季孫也

人及公側

人有人及公之臺側

仲尼命申句須樂頎下伐之

申句須樂頎魯大夫

公斂處父謂孟孫墮成齊人必至于北門

公斂處父成宰也

並同上

十有三年

晉趙鞅謂邯鄲午曰歸我衛頁五百家晉合諸晉陽
往年趙鞅圍衛衛人恐懼故許五百家鞅置之邯

鄲又欲更徙於晉陽

史記趙世家解

午許諾歸告其父兄父兄皆曰不可

午之諸父兄及邯鄲中長老

趙稷涉賓以邯鄲叛

稷午子

而以范皋夷代之

史記卷
九

蒞氏之側室子

荀躒言於晉侯

荀躒智文子

韓魏以趙氏爲請

以其罪輕於荀蒞也

並同上

十有四年

衛侯爲夫人南子名宋朝會于洮

會于洮上屬爲義言衛侯爲夫人南子名宋朝故

與宋公會于洮

正義

哀公左氏傳解詁

元年

使疆于江汝之間而還

蔡使楚進疆於故江國與汝水之間

正義

使大夫種因吳大宰嚭以行成

行成求成也

史記吳世家
葉集解

滅夏后相

夏后相啓之孫

后相方娠逃出自竇歸于有仍生少康焉

后緝遺腹子

以收夏衆撫其官職

因此基業稍收取夏遺民餘衆撫修夏之故官憲
典

祀夏配天

以鯀配天也

並同上

越十年生聚而十年教訓

令少者無娶老婦老者無娶少婦女十七不嫁男
二十不娶父母有罪也將生子以告與之監償之

餽也死者釋其征必哭泣葬埋如其子也孺子遊者必餽噉之也非手所種夫人所織不用十年不

收於國

正義

在軍熟食者分而後敢食

以其半分軍士而後自食其餘若澶醪注流也

同上

二年

癸巳叔孫州仇仲孫何忌及邾子盟于句繹

季孫尊卿敵服先歸使二子與之盟

正義

鄂不足以辱社稷

鄧自謂己無德不足立以汚辱社稷

史記德世家集解

三揖在下

三揖卿大夫士士揖庶姓時揖異姓天揖同姓

正義

八人袞經偽爲自衛逆者

袞經爲若從衛來迎太子也

史記衛世家集解

志父無罪

趙鞅入于晉陽以叛諸侯之策書曰晉趙鞅以叛

既復更名志父

正義

既得歸改名志父春秋仍舊猶

書趙鞅

釋文

鄆無恤御簡子

王良也

正義

命藏象魏

象魏闕也法令懸之朝謂其書爲象魏

太平御覽卷一百七

九十

孔子在陳聞火曰其桓僖乎

季氏出桓公又爲僖公所立故不毀其廟

正義俱在

迭毀故不言及

同上

桓僖當毀而魯事非禮之廟故

孔子聞有火災知其加桓僖也

史記孔子世家集解

禮記

正當正常不反

名而問見死意

正義

四年

襲梁及霑

梁霍周南部也

水經注卷二十一

五年

齊燕姬生子不成而死

燕姬齊景公嫡夫人昭七年燕人所歸不成未冠

也 太平御覽卷一百四十七

諸子鬻如之子荼嬖

諸子諸公子鬻如景公妾也淳于人所納女荼安孺子

諸大夫恐其爲子也言於公曰君之齒長矣未有太

子若之何

注疏本作爲太子
和覽引作爲子

爲子爲太子也荼少故恐立之言君長未有太子
一旦不講當若之何欲齊侯早立長也

公曰二三子問於憂虞則有疾疢亦姑謀樂何憂於

無君

言二三子當國家間暇無憂虞惟恐疾疢在其間

今無疾疢何爲不自謀自樂何憂無君子

並同

公疾使國惠子高昭子立荼

國惠子國景子之子國夏也昭子高姬之子高張

也

同上 史記齊世家集解引云惠子國夏也昭子高張也

眞羣公子於蔡

眞置萊齊東鄙邑欲使違齊

太平御覽卷一百四十七○史記齊世家

集解引上二句

萊人歌之曰景公死乎不與埋三軍之事乎不與謀

師乎師乎何黨之乎

史記何作明

萊人見五公子遠遷鄙邑不得與景公葬埋之事及國三軍之謀故愍而歌師衆也黨所也言公子

衆何所適也

史記齊世家集解

六年

國夏奔莒遂及高張晏圍弦施來奔

圍晏嬰之子

同上

潛師閉塗逆越女之子章

閉塗不通外使也越女昭王之妾

史記楚世家集解

世宗問諸周太史

諸侯皆有太史主周所賜典籍故曰周太史一日

是時往周問周太史

正義

三代命祀祭不越望

謂所受王命祀其國中山川爲望

史記楚世家

夏書曰惟彼陶唐帥彼天常有此冀方今失其行亂
其紀綱乃滅而亡

迎書夏桀之時

正義引賈服孫仕

堯居冀方虞夏因之不

遷居不易民共陶唐虞夏之都大率相近不出河

東之界

詩魏風魏
請正義

七年

知必危何故不言魯德如邾而以衆加之可乎

上二句亦爲孟孫之言謂諸大夫誠知伐邾必危

何故不早言也

正義

初曹人或夢衆君子立于社宮

衆君子諸國君妾耳

正義

社宮社也

史記曹世家集解

九年

晉趙鞅卜救鄭遇水適火

兆南行適火卜法橫者爲土立者爲木邪向經者
爲金背經者爲火因兆而細曲者爲水

正義

十年

齊人弒悼公赴于師吳子三日哭于軍門之外

諸侯相臨之禮

史記吳世家集解

侵及賴而還

賴齊邑

史記齊世家集解

十有一年

其有顯越不共則別殄無遺育

顛隕也越墜也顛越無道則割絕無遺也史記吳世家集

解

屬其子於鮑氏爲王孫氏

鮑氏齊大夫

使賜扁鑊以死

扁鑊劍名賜使自刎並同上

孔文子使疾出其妻而妻之

文子衛朔也史記孔子世家集解

胡盜之事

夏曰胡

正義引

鳥則擇木木豈能擇鳥

鳥喻己木以喻所之之國

史記孔子世家集解

十有二年

公會吳于橐皋

橐皋地名也

史記吳世家集解

若可尋也亦可寒也

尋之言重也溫也寒歛也亦可寒而歛之

儀禮有司徹疏

侯伯致禮地主歸餼

春秋左傳卷之四十四

吳越姬館補校

致賓禮於地主

正義

十有三年

自剏七人於幕下

以絕口

史記吳世家集解

十有四年

西狩獲麟

孔子自衛反魯考正禮樂修春秋約以周禮三年

文成致麟麟感而至取龍爲水物故以脩母致子

之應

正義引賈遠服虔頡客等虔正義序引服虔云夫子以哀十一年自衛反魯而作春秋約

之禮故有麟中央土獸土爲信信禮之子脩其母

致其子觀明禮脩而麟至思睿信至而白虎授言

從又成而神龜在沼聽聰知正則名川出龍貌恭

性仁則鳳皇來儀禮記禮運正義禮則南麟趾

正義引視明以下釋文引視

小邾射以句釋來奔

春秋終于獲麟故小邾釋不在三叛人中弟子

欲明夫子作春秋以顯其師故書小邾釋以下至

孔子卒春秋序正義

春秋左傳卷之九十四

三十四卷九十三

西狩於大野

言西者有意於西明夫子有立言立言之位在西

方故著於西也正義大野數名魯田圃之常處蓋今

距野是也史記孔子世家集解

叔孫氏之車子鉏商獲麟

車車士微者也子姓鉏商名正義史記孔子世家集解

以為不祥以賜虞人仲尼觀之曰麟也然後取之

麟非時所常見故怪之以為不祥也仲尼命之曰

麟然後魯人乃取之也明麟為孔子至也史記孔子世家

集解 正義引仲尼名曰隳明 麟為仲尼至也

闕止有寵焉

闕止子我也

史記齊世家集解

子我夕

夕省事

陳逆逢人殺之遂執以入

子我將往夕省事於君而逢逆之殺人也

陳氏方睦

陳常方欲謀有齊國故和其宗族

使疾而遣之潘沐備酒肉焉

使陳逆詐病而遣也

饗守肉者醉而殺之而逃子我盟諸陳於陳宗

子我見陳逆得生出而恐爲陳氏所怨故與盟而請和也陳宗宗長之家

我遠於陳氏矣

言與陳氏宗疎遠矣

且有違者不過數人

違者不從子我者

子行曰彼得右弗先必禍子

彼闕止也子陳常也

子行舍於公宮

止於公宮爲陳氏作內閭也

成子兄弟四乘如公

成子兄弟八人二人共一乘故曰四乘

子我在幄出逆之遂入閉門

成子兄弟見子我出遂入反閉門子我不得復入

待人禦之

闕緊以兵禦陳氏

子行殺侍人

舍于公宮故得殺之

公與婦人飲酒于楹臺

常陳氏入時飲酒于此臺

成子遷諸寢

欬徙公令居寢也

大史子餘

齊大夫

聞公猶怒將出

出奔也

並同上

有如陳宗

陳宗先祖鬼神也

正義

子我歸厨徒攻闈與大門

宮中之門曰闈大門公門

史記齊世家集解

殺諸郭闈

齊闈名

成子將殺大陸子方

春秋左氏傳解詁

卷四

聖
鄭經館補校

三十四卷九十六

子方子我之黨大夫東郭賈也

何以見魯衛之士

子方將欲奔魯衛也

並同上

十有五年

將以尸入

在牀曰尸在棺曰柩禮稱既斂於棺傳言將以尸

入者記言對文耳

正義

舍於孔氏之外圃

圃

史記衛世家解

皆二人蒙衣而乘

二人謂渾良夫太子蒙衣爲婦人之服以巾蒙其頭而共乘也

孔氏之老樂甯問之

史記作樂甯下引服注同

家臣稱老問其姓名

稱姬妾以告遂入適伯姬氏

入孔氏家適伯姬所居

既食孔伯姬杖戈而先

先至孔悝所

遂劫以登臺

於衛臺上召衛羣臣

使告季子

季路孔氏邑宰故告之

召獲駕乘車

召獲衛大夫駕乘車不駕兵車也言無距父之意也

行爵食炙

樂甯使召季路乃行爵食炙

奉衛侯來奔

召獲奉衛侯

季子曰食焉不辟其難

言食淫之祿欲救悝之難此明其不死國也

及門公孫敢出曰無入爲也

公孫敢衛大夫言輒已出無爲復入

石乞孟縶敵子路

二子剽墮之臣敵當也

以戈擊之斷纓子路曰君子死冠不免

不使冠在地

並同上

十有六年

稱一人非名也

天子自謂一人非諸侯所當名也

史記孔子世家集解 冊府元

龜卷七百九十六

君兩失之

亡國之風

冊府元龜卷七百九十六

使處吳竟爲白公

白邑名楚邑大夫皆稱公

史記楚世家集解

請以戰備獻

欲陳士卒甲兵如與吳戰時所入獻捷

正義

負王以如昭夫人之宮

昭王夫人惠王母越女也

史記楚世家集解

十有七年

國子實執齊柄

秉權柄

史記蔡澤傳索隱

如魚鏡尾

魚勞則尾赤

詩周南汝墳正義

衛人請平立公子起

起靈公子

史記衛世家集解

二十年

吳公子慶忌驟諫吳王

驟數也

詩鄭風將仲子正義詩釋文

二十有二年

請使吳王居甬東

甬東越東鄙甬江東也

史記吳世家集解

二十有四年

是魯言也

魯不信言也

正義
釋文

饋臧石牛

牲生

儀禮聘
禮疏

二十有五年

衛侯出奔宋

此下但有適城鉏以鈞越無奔宋之事其說未聞

正義

二十有七年

陳成子屬孤子

屬會也孤子死事者之子也

太平御覽卷二百一
王應麟引作服注

設乘車兩馬繫五邑焉

乘車兩馬大夫車服也繫五邑加之五邑也一曰

兩飾也

隰之役而父死焉

隰役在哀二十三年

並同上

公游于陵阪

陵阪地名

史記魯世家
宋集解